

1.
2.
3.
4.
5.
6.
7.
8.
9.
10
11.



14 DISPUTATIO INAUGURALIS
DE

1674, 14.

ADMIRALITATE

QVAM

DIVINI NUMINIS ADSPIRANTE
GRATIA

EX DECRETO ET AUTHORITY
MAGNIFICI, AMPLISSIMI
ATQVE CONSULTISSIMI JURISCON-
SULTORUM ORDINIS IN INCLYTA AR-
GENTORATENSIVM UNIVERSITATE


Pro

*Summis in Utroque Iure Hono-
ribus ac Privilegiis DOCTORALIBUS
rite consequendis,*

Solenni Eruditorum Examine submittit

Die 17 Februar. hor. l. q. consuetis.

FRANCISCUS VASMER,
HAMBURGENSIS.



ARGENTORATI,


Literis JOH. FRIDERICI SPOOR.

Anno M DC LXXIV.



P. 159.






1
2
3

4
5
6

tu
po
lu
ca
po
m
lin
fin
ni
pe
te
de
fu
ha
ct





PRAEFATIO.



Um id quod sub novo *Admiralitat*is vocabulo hic ad Examen inaugurale proponitur argumentum, Romanis quoque veteribus non incognitum fuerit, mirari quis non sine ratione posset, cur in illorum Legibus hodie nullum ejus vestigium superfit. Cujus rei causam ego quidem haectenus non aliam potui reperire, quam quod illa, quæ ad res maritimas pertinebant, apud Romanos olim Legibus non Romanis, sed Rhodiis definiri & dijudicari solebant: quarum non nisi pauca quædam fragmenta ad nos usq; pervenerunt: cæteris vetustate & injuria temporum absumtis, cum quibus, si quid de *ἱμοπλοία* vel *συμπλοία* constitutum aliquando fuit, illud communi naufragio interiisse, haud vana nec improbabilis penitus conjectura est. Ego certè inde non parum au-

geri mihi laborem in tractanda isthac materia sensi, quod præter illa, quæ per analogiam ex vicinis & affinibus argumentis huc deduci potuerunt, omni autoritate & subsidio juris scripti veteris destituebar. Qui defectus tamen, si quis ad usum præsentem respiciat, Legibus & Statutis recentioribus Regnorum & Rerumpublicarum maritimarum non parum suppletur. Quare & ex illis primarium auxilium mutuaturus, ipsa Constitutionum verba plerumque recensui: quia ad intelligendam plenius rem non obviæ prorsus cognitionis haud exiguè conducere mihi videbantur. Non ignarus interim perfectam elaborationem hujus materiæ, sine diligenti examine & accurata cognitione casuum practitorum, qui in judiciis Admiralitatis indies agitari solent, sperari non posse. Sed quia profectus Academici ad tritum forensis usque raro porriguntur, mihi quoque à tractatione civilium causarum, usualique tribunalium exercitatione hæctenus remotiori, vitio verti non poterit, quod adhuc quidem inde manum abstinuerim. Divini

Numinis

Numinis impoſterum arbitrium erit, an mihi velit aliquando gratioſe vires & majora ſubſidia largiri, ut ad finem perducendis, quæ cœpta hic ſaltem ſunt, denuo utiliter vacare poſſim. Interim æquos rerum arbitros benevole hoſ qualeſcunque conatus meoſ interpretaturoſ eſſe confido.

I. N. D. N. J. C.

r.

Licet tractatio de *Admiralitate* tanquam materia maritima mediterraneis ſupervacua videri poſſit: utpote cum ad illoſ, qui vel nunquam ingreſſi ſunt mare, vel prope mare non habitant, quæſtiones marinæ parum pertinere exiſtimentur: Gryphian. *de Inſul. præf. §. 71.* Apud populoſ tamen & civitateſ maritimaſ uſum frequentem, quotidianum, & perneceſſarium habet. Grot. *de Jure Bell. & Pac. lib. 2. cap. 12. §. 4.* Statut. Hamburg. *part. 2. tit. 13. art. 41. ibi: Die weil viel Admiralfet afft gemacht werden.* Ut ad eò non immeritò magnam hujus rei curam habeant illi, qui ad mare ſedent. Stypmann. *de Jure marit. part. 4. cap. 11. §. 49. & 54.* & hinc diligens juris evolutio, quod circa eam conſtitutum & receptum eſt, nequaquam ſit negligenda. *arg. l. 1. D. de in integr. reſt. l. 1. pr. D. de Exerc. act. l. 1. pr. D. de ſuſp. Tutor.*

II. Dicitur autem *Admiralitas* ab *Admiratio* vel *Thalſſiarcha* aut *maris Præfecto*, qui præeſt Collegio *Admiralitatis* vel *Societatis navalis*. *Loccen. de Jure marit.*

marit. lib. 2. cap. 2. §. 1. Admiralii verò nomen non ab admiratione, ut aliqui existimant: vid. Voss. *de vit. Lat. serm. lib. 2. cap. 2.* Sed ab Emir sive Amira, quod Arabibus Dominum aut Principem signat, & Græco ἀμιρ, *marinus* descendit. Voss. *d. l.* Add. Rein. Curick, ad *Ordin. Naut. Civit. Hans. tit. 7. art. un. p. 178.*

Homonymia.

III. Græci σύμπλοιαν vocant aut ἐμπλοιαν, Grot. *de Jure Bell. & Pac. lib. 2. c. 12. §. 4.* unde Cicero *Ep. ad Attic. lib. 16. ep. 1.* ἐν ἐμπλοιαῖς Bruti videtur aliquid presidij esse. & *dict. lib. ep. 4. itaque constituebam uti ἐμπλοιαῖς.* add. Loccen. *de Jure marit. lib. 2. c. 2. §. 2.*

Synonymia

IV. Denotat alias *Admiralitas* ipsam præfecturam maris per se consideratam, quam alii Admirallatum nominant. vid. Strauch. *de Imper. mar. c. 5. §. 4.* Interdum Collegium quoque judicum maritimarum, quod Consulatatus maris vulgo dicitur, Admiraltatem nominant: uti fit in der Königl. Dännemarf. Berordnung/ wie es bey wâhrendem Krieg mit den Certificationen zu halten. apud Marquard. *de Jure Mercat. document. lit. W. ibi: Demnach in Unserer gnädigsten declaration für unser Admiraltät: & mox: Dafern sie vor dem Admiraltät. Gerichte für genugsam geachtet: & denique: Wor nach sich unser Admiraltät. Racht und Bediente zu richten. 22.*

Definitio.

V. Hoc in loco Admiralitas est Societas navalis armata ob securitatem commerciorum mutui auxilii causa inita. conf. Grot. *de Jure Bell. & P. lib. 2. c. 12. §. 4.* Stypmann. *de Jure marit. part. 4. cap. 11. §. 48.* Loccen. *de Jure marit. lib. 2. c. 2. §. 1.* Curick. *ad Jus marit. Hanscat. tit. 7. art. un. p. 179.* Marquard. *de Jure Mercat. lib. 2. cap. 11. §. 35.*

Causa effi. Remota.

VI. Hæc Societas, quatenus tutelæ & defensionis necessariæ inservit, omni jure introducta dici potest.

arg.

arg. l. 3. D. de Just. & Jur. l. 4. pr. l. scientiam. 45. §. qui cum.
4. D. ad L. Aquil. l. 1. §. vim vi. 27. D. de vi & vi arm. Add.
Carpzov. Prax. crim. p. 1. q. 28. §. 1. & seqq.

VII. Et favet ei peculiariter 1. Jus Divinum, quo Salomo secundum Sapienciam à DEO ipsi concessam (1. Reg. 5. v. 12.) talem societatem iniiit cum Hyramo Rege Tyri, qui ad classẽ, quam Salomo instruxerat, petendi auri causa ex Ophir, misit servos suos, viros nauticos & gnaros maris, ut cum servis Salomonis navigarent. 1. Reg. 9. v. 27. & 28. & 2. Paralip. 8. v. 18.

VIII. 2. Jus naturale: cui convenit, ut tutò per mare navigare liceat & trajicere. l. 2. §. 1. D. de R. D. §. 1. Inst. cod. l. 3. §. 1. D. ne quid in loc. publ. l. 13. §. ult. D. de Injur. l. Venditor. 13. pr. D. comm. prad. Marquard. de Jure Mercat. lib. 1. cap. 15. §. 1. Loecen. de J. marit. lib. 1. cap. 3.

IX. 3. Jus Gentium: quod liberum & securum usum commerciorum stabilivit. l. 5. D. de Just. & Jure. §. 2. Inst. de Jure Nat. Gent. & Civ. Gregor. Tholof. Syntagma. Jur. univ. lib. 21. c. 1. Grot. mare lib. cap. 8. atque hoc libero & securo commerciorum usu exigente, ipsisque humanis necessitatibus flagitantibus (vid. §. 2. Inst. de J. N. G. & C. ibi: nam usu exigente. Stypmann. de Jure marit. part. 4. cap. II. §. 49.) Admiralitatem jam olim inter se contraxerunt Gentes Orientales. 1. Reg. 9. v. 27. & 2. Paralip. 3. v. 18. eademque usi sunt Græci: Loecen. de Jure mar. lib. 2. c. 2. §. 2. Romani: Cic. Ep. ad Attic. lib. 16. ep. 1. & 4. Populi Septentrionales: Saxo Grammat. Histor. Dan. lib. 14. pag. 259. & seq. Crantz. Wandal. lib. 9. c. 22. 29. Reckmann. Chron. Lubec. p. 42. atque illa hodiernum utuntur Hispani: Stypman. d. c. II. §. 54. Sueci: Loecen. d. c. 2. §. 4. Belgæ: Edicta Ordinum Hollandiæ Anno 1544. edita tom. I. p. 323. 429. & seq. Ordinatio de Admiral.

*Admiral. in Constit. & Privil. Amsterod. p. 450. Ham-
burgenses: Hamburger Stadt Recht. p. 2. tit. 14. artic. 41.
Admiralschafft: Ordnung der Stadt Hamburg. de
Anno 1623. apud Marquard. de Jure Mercat. document. sub
lit. R. p. 589. & in universum Civitates Hanseaticæ. Jus
Marit. Hanseat. tit. 7. art. un. von Admiralschafft.*

X. 4. Jus Civile: tum quatenus permittit latrones
& hostes publicos, quales sunt piratæ, Vinn. *ad Peck. de
LL. nautic. p. 370. Strauch. de Imp. mar. c. 9. §. 2. armata
manu persequi. l. 2. C. quand. lic. unic. Gryphiand. de In-
sul. c. 31. §. 139. & seqq. Stypm. de Jure marit. p. 4. c. 18. §. 83.
Coll. Jur. Arg. lib. 48. tit. 3. th. 5. ejusque rei gratia socie-
tatem aliquam contrahere, & collegium instituere. l. 4.
D. de Coll. & corp. ibi: vel nauta. l. 1. pr. D. quod cuiusque u-
niv. nom. tum quatenus prohibet, ne naves ex portu na-
vigent, nisi plures sint, & inter se Admiraliū constitui-
erint. Constit. Philipp. II. Reg. Hisp. de Nav. armand. de
Ann. 1563. art. 9. & 10. apud Stypmann. de Jur. mar. p. 4.
c. 11. §. 54. quemadmodum & Batavi constituerunt, quod
nulla navis ex portu Vliensi in Norvegiam vel Elfenoriam
aut retronavigare debeat sine nave conducente: Quod ex
Hollandia in mare Balticum non debeant ire, nisi ad mini-
mum triginta naves in societate sint, &c. apud eundem,
d. c. 11. §. 58. & seqq.*

*Causa Effi-
ciens Pro-
xima.*

*Admirali-
tatis publi-
ca.*

XI. Constituunt autem & contrahunt Admira-
litate[m] vel illi qui summam potestatem habent, vel
privati: atque hinc alia Admiralitas publica, alia privata
est. Publica est, quæ autoritate Regis, Principis aut
Reipublicæ ordinata est pro conservatione pacis & tran-
quillitatis publicæ contra piratas hostesque quosvis, &
defensione navigantium. Curick: *ad Jus Marit. Hanseat.
tit. 7. art. un. p. 179. Quam licitè contrahi atque con-
stitui*

stitui posse à Principibus, nullum dubium est. Cum hæc sit potissima pars jurisdictionis, quam in mari suis territorii adjacente habent Principes, ut navigationes tutas efficiant à Piratis & hostibus. Loccen. *de lur. marit. lib. 1. c. 4. § 4. in fin.* atque in hoc officium gravis & cordati Magistratus consistat, ut itinera publica tam maritima quam terrestria malis hominibus, qui ea infesta reddunt, purgentur. *l. 3. l. 13. D. de off. Pres. l. un. C. de Class. Marquard. de Jure Merc. lib. 1. c. 13. § 34.* Quod in proprio quidem territorio fit tum variis modis aliis, quos v. ap. Loccen. *de Jure marit. lib. 2. c. 1.* tum constitutis ac dispositis navibus exploratoriis & excursoriis, quas *Außlagsschiff* vocant. Becht. *de secur. & salv. cond. thes. 123.* & si vis major ingruat, integris classibus instructis. *d. l. un. C. de class. Strauch. de Imp. mar. c. 5. §. 2.* tum quod proprius huc pertinet, corpore aliquo navium præsidiarium & conductricium, quæ *Convoy Schiff* dicuntur, instituto ordinatoque, ex quo naves onerariæ mercatorum possint præsidium & salvum conductum, mutuari. *Stypm. de Jure marit. p. 4. c. 11. §. 59. 60. & seqq.*

XII. Classès autem istæ vel naves etiam si extra territorium & jurisdictionem ejus, à quo instructæ sunt, defendere se adversus vim ingruentem piratarum vel hostium possint, utpote quod iis etiam concessum est, qui privatâ authoritate navigant. *Grot. de Jur. Bell. & P. lib. 1. cap. 3. §. 2.* Attamen in alieno territorio eis concessum non est aggredi piratas, eosque poenæ expetendæ causâ persequi, nisi eis singulari privilegio piratarum persecutio etiam in alieno territorio concessa sit: ut Hamburgensibus à Carolo IV. Anno 1359. *Gryphiand. de Insul. c. 31. §. 154.* vel nisi persequi eos cœperint in suo territorio: tunc enim continuare persecutionem possunt

B

sunt

sunt etiam in alieno territorio, ibique eos comprehen-
dere: ita tamen, ut ibi iudicio sistantur, nec in propri-
am jurisdictionem, nisi cum istius loci Magistratus con-
sensu deducantur. *R. A. zu Augspurg de Anno 1559. §.*
Und wiewohl. 21. Gail. de pace publ. lib. 1. c. 16. n. 25. & seqq.
Loccen. de jure marit. lib. 2. c. 3. §. 2.

XIII. Quod de piratis dictum est, idem etiam de
hostibus quibusvis publicis intelligendum est: quos li-
cet in territorio tertii pacato aggredi & violare non li-
ceat, propter jus ejus, qui territorium ibi habet. *Grot.*
de Jure Bell. & Pac. lib. 3. cap. 4. §. 8. coeptam tamen perse-
cutionem ita licet continuare, ut in alieno quoq; por-
tu hostem invadere permittatur: quod factum à Trom-
pio Classis Hollandiæ Praefecto Anno 1639. classi Hispano-
rum in portu Duinensi Britannico. *Strauch. de Imp.*
mar. cap. 6. §. 9. atque hoc fundamento excusatur à pœ-
na fractæ pacis, qui hostem suum diffidatum in alieno
territorio vi armata capit: sicut fecit Archiepiscopus
Colonienfis capiendo *Hennicken von Lübeck* in Do-
minio *Starmade Nobillum de Harst*: quibus pro-
pterea in Camera Spirensi denegati sunt Processus super
fracta pace: testante *Mynsing. observ. pract. cent. 2. obs. 28.*

XIV. Suum autem territorium ab alieno in mari,
non tam certis limitibus distinguitur, quam in mediter-
raneis regionibus. Et quando dicitur, eum qui juris-
dictionem habet in territorio, habere quoque jurisdic-
tionem in mari adhærente; non convenit inter Do-
ctores, quousq; mare adhærens dici & intelligi debeat?
Aliqui existimant, eum qui jurisdictionem habet in di-
strictu mari cohærente, habere in mari jurisdictionem
usque ad iter duorum dierum: *Hieronym. de mont. in*
rr. de Fin. reg. c. 7. n. 12. alii usque ad sexaginta milliaria
jurisdi-

jurisdictionem in mare adjacens extendi pronuntiant Bodin. *de Rep. lib. 1. cap. ult. n. 170.* plerique eam ad centum milliaria porrigunt. Bart. *de Insul. n. 1. verb. nullius.* P. Castrenf. *in l. 9. de judic.* Quarum tamen definitio-
num nulla certam aut perpetuam determinationem habet. Gryphiand. *de Insul. cap. 14. n. 25. & seqq.* sed va-
riat modus pro spatio ad possidendum vacuo. Strauch. *de Imper. mar. c. 4 §. 3.* Itaque alii rectius putant distin-
guendum inter maria particularia, & inter Oceanum universum: in maribus particularibus ita unicuique juxta sua litora competere jurisdictionem, ut delictum in tali mari particulari commissum in illa civitate puniri debeat, cujus portui locus ille propinquior est. Loccen. *de Jure marit. lib. 1. cap. 4 §. 6.* In Oceano autem universo limites nullos dari. Stypman. *de Jure marit. part. 1. c. 5. §. 56.* atque ad eò in medio mari unicuique hostem publicum aggredi permissum & liberum esse. Gryphiand. *de Insul. c. 31. §. 149. ibi: in medio mari persequi piratas curvis licet.*

XV. Et hæc quidem Admiralitas, quæ in corpore navium publica autoritate ad hoc ordinato consistit, ut mare à prædonibus & hostibus aliis tutum & ad usum navigantium securum reddat, à Principe vel Republica vi Imperii & jurisdictionis constituitur: indeque & publicæ Admiralitatis nomen habet. Præter hanc est & alia Admiralitas publica, quando illi, qui summam potestatem habent, inter se navalem societatem obsecurum & commodum usum commerciorum contrahunt. *arg. l. 5. D. de pact.* qualem societatem fuisse Salomonis cum Hiramò, supra dictum est *ex 1. Reg. 9. v. 27.* add. Loccen. *de Jure marit. lib. 2. c. 2. §. 2.*

XVI. Quam societatem legitimam atque licitam fuisse existimo, etiamsi cum Rege infideli contracta sit. *arg. 1. Reg. 5. 12. conf. Grot. de l. B. & P. lib. 2. cap. 15. §. 9. sicut & hodie foedus, quod Princeps Christianus cum non Christiano pro commerciorum libertate & ad persequendos latrones publicos contrahit, licitum recte putatur. Joh. Gerh. loc. Theolog. de Mag. Pol. §. 154. & seqq. Alber. Gentil. de iure bell. lib. 3. c. 19. p. 658. Limn. Not. ad Capitul. Caroli V. art. 11. verb. Aller Hülffe. Diss. Theologi Jenens. ap. Loccen. de iur. marit. lib. 3. cap. 7. §. 3. confer. Reinking. de Regim. sec. & Eccl. lib. 2. class. 3. cap. 3. §. 45. & seqq. Henniges Not. ad Grot. de iure Bell. & Pac. lib. 2. cap. 15. §. 10.*

*Causa Eff.
Admirali-
satis pri-
vata.*

XVII. Privata Admiralitas est, quam privati inter se ad certam alicujus navigationis securitatem contrahunt. Curick, *ad Ius Hanscat. tit. 7. art. un. p. 179. Quod ad finem defensionis privati licite faciunt: Gryphiand. de Insul. c. 31. §. 151. idque de jure communi etiam sine speciali & expressa superioris concessione. l. ult. D. de colleg. & corpor. l. 1. D. ad L. iul. de vi publ. Non obt. l. un. C. ut armor. usus. vid. Dn. D. Tabor Armam. Justin. de Epiphor. c. 1. th. 5. p. 111.*

Subiectum.

XVIII. Inter privatos autem admiralitatem contrahere possunt omnes, qui ad societatem contrahendam idonei sunt, quique adeo contrahendo sese valent obligare. Ex Dn. Lauterb. *tract. synopr. dig. tit. pro soc. §. 1. th. 4.* quos enumerat Hecstor Felicianus *tract. de Societate cap. 3. & seqq.* Coll. Jur. Argent. *tit. pro soc. th. 5.* Reciproce tamen si qui inter se, ratione & dispositione speciali, societatem bonorum contrahere prohibentur, eos non statim puto ab admiralitate contrahenda arce-
ri: cum

ri: cum libertas commerciorum & securitas favorabilis, prohibitio autem contractuum juris Gentium, odiosa sit, atque hinc hæc quidem restringi, illa verò ampliari bona interpretatione debeat. Barbof. *Axiom. lib. 6. c. 11. Ax. 6. & lib. 13. cap. 16. ax. 5.* Unde & civis Hanseaticus cum non Hanseatico admiralitatem contrahere poterit: non obstante dispositione juris Lubecensis, quo cavetur, daß kein Hansischer mit dem jenigen / welcher nicht Hansisch ist / er sey gleich wer er wolle / Gesellschaft oder Factoreyen anstellen solle. Cum præsertim hoc constitutum sit propter rationes speciales: ad obtinendum nimirum commerciorum vigorem in civitatibus Hanseaticis, & ad conservationem Privilegiorum, quæ ex diversis in locis antiquitus obtinuerunt. Dn. May: *ad Jus Lubec. lib. 3. tit. 8. art. 2. §. 3.* Quæ rationes in Admiralitate prohibenda cum exteris non militant, ut adeo merito cessante Legis ratione etiam dispositio ejus cessare putanda sit. Everhard. *top. legal. loc. 85.*

XIX. Causam materialem Admiralitatis quod attinet; sicut in reliquis obligationes vel res deducuntur, vel facta. *§. ult. l. de V. O. l. 2. pr. D. eod.* & sicut in genere societas non tantum rerum, sed etiam operarum causa contrahi potest. *l. 29. pr. l. 80. l. 71. D. pro soc.* Excell. D. Lauterbach. *tract. synopt. Dig. tit. pro soc. §. 1. th. 5.* ita in Admiralitatem quoque veniunt 1. Factum sive opera mutuae defensionis & auxilii, tum contra hostes, tum contra alios casus fatales ingruentes. Statut. Hamburg. *p. 2. tit. 14. art. 41. ibi:* Wann eine Admiralschafft gemacht ist / so ist das Volk schuldig sich zu wehren. Add. Loccen. *de Jure marit. lib. 2. cap. 2. §. 5.* 2. Factum Offensionis & aggressionis piratarum & hostium publicorum: si Admiralitas sit publica: vel si privati naviga-

Causa materialis

turi instructi sint mandatis à publica potestate ad persequendos piratas, si quos in mari repererint: vel in loco penitus libero piratæ deprehendantur. Gryphiand. *de Insul. c. 31. §. 139. & 149.* Grot. *de Iure bell. & pac. lib. 2. c. 20. §. 8. & 14.* Loccen. *de Iure marit. lib. 2. c. 3. §. 1.* 3. Naves ipsæ veniunt in Admiralitatem, non tantum quatenus junguntur ad mutuam defensionem, sed etiam quatenus Admiralitate contracta & æstimatione navium facta, periculum earum communiter ad socios Admiralitatis pertinet, Stypmann. *de Iur. marit. p. 4. c. 11. §. 64.* Loccen. *de Iure marit. lib. 2. c. 2. §. ult.* Numerus harum navium in universum non est definitus, sed solet Admiralitas ex tot navibus constitui, quot opus esse videntur vel Magistratus loci, vel privati mercatores. Loccen. *d. loc. §. 2.* Aliquando tamen specialiter constitui alicubi solet, ne ex portu naves solvant, nisi certus sit illarum conjunctarum numerus: sicut Batavi constituerunt, quod ex Hollandia in mare Balthicum non debeant ire nisi ad minimum triginta naves in societate sint. Stypmann. *de Iure marit. d. c. 11. §. 60.* Et Hamburgi Statutum est, ne naves ex portu navigarent, nisi sex ad minimum unitæ essent. *Stadt Hamburg Admiralschafft Ordnung §. 11.* apud Marquard. *de Jure Mercator. docum. lit. R.* Hæ autem naves non omnes bellicæ sunt, quamquam armis navium onerariarum sint plerumque instructæ; sed solet peculiariter constitui & definiri, secundum numerum navium onerariarum, quot ad illas conducendas bellicæ adhiberi oporteat: veluti ita à Baravis sancitum est, ut 30. naves onerariæ per duas naves bellicas conducì debeant, nisi Commissario visum fuerit, ut una faciat. Stypm. *d. c. §. 61.* 4. Quod de navibus dictum est, eas in hanc societatem venire, idem de instru-

instrumentis navium intelligendum est, quippe quæ quasi membra navium sunt. *l. 44. D. de Evict.* Non obft. *l. 242. pr. D. de V. S.* Add. *l. 2. §. 1. ff. ad Leg. Rhod. de jact.* *l. 3. §. 1. D. de Rei Vind.* Alciat. *ad d. l. 242. D. de Verb. Sign.* §. Ut & de armis navium: de quorum quantitate & usu variè edici solet. Ex. gr. Si naves onerariæ non habeant navem conducentem, & numerus triginta naves excedat, si tamen habeant 40. tormenta & alia necessaria arma, posse constituto inter se Admiralio enavigare. *Stypm. d. loc. §. 63.* instructis juxta numerum tormentorum omnibus aliis rebus ad apparatus bellicum necessariis (Anmunitie) provideri debere. *Idem ibid. §. 67.* Add. *Stadt Hamburg Admiralschafft Ordnung §. 8. ibi:* Ob sie mit gebührllichem Kraut und Loth versehen re. 6. Sed & pecunia in usum navium armandarum collata, in Admiralitatem deducitur: de qua Batavis placuit, ut naves bellicæ pro impensâ debeant accipere dimidiam quartæ in centum de navibus in navali societate non instructis, & bonis in iis existentibus. *Stypmann. d. c. 11. §. 62. & 63.* Hamburgi ad meliorem conservationem Admiralitatis statutum est: Es sollen die gesamte Kauffleute/ so sich der Admiralität zu ihrer grossen Versicherung und Prosperität gebrauchen/ von allen ausgehenden und einkommenden Wahren ein halbes pro centum zu Admiral. Geld geben; welches man denn zu Munitir- und Erstärkung der Admirals und ViceAdmirals / wie auch der anderen Schiffe anwenden und gebrauchen soll. Sonsten soll auch über dieses von den Schiffen zu Unterhalt der Admiralität ein gewisses gegeben werden / benantlich die Schiffe/so gar nicht munitiret oder unter vier Göttingen fahren/welche den ungemündirten gleich geach-

ter/

ter/von jeder Last einen halben Reichshaler/die so 4. führen/; die so 6. Götlingen führen/; Reichshaler. Da sie aber mit 8. oder mehr guten Götlingen versehen seyn/sollen sie von solchem Last-geld gänglich ent-frehet seyn. Admiralschafft Ordnung §. 6. & 7. Atq; hæc est arca communis Admiralitatis, l. 1. §. 1. D. quod cuiusque univ. nom. neg. gest. in qua socijs non ut singulis sed ut universis jus competit, l. sicut. 7. §. 1. D. eod. 7. Denique merces quoque sociorum Admiralitatis in hanc societatem veniunt, non ut communicentur, sed ut æstimatione in antecessum facta, communi periculo defendantur. Marquard. de Jur. Mercator. lib. 2. cap. 11. §. 37. Stypmann. d. c. 11. §. 64. Grot. de Jure Bell. & Pac. lib. 2. cap. 12. §. 25. 8. Præter hæc ex post facto nonnunquam in Admiralitatem venit præda ex hostibus capta. Loccen. de Jure marit. lib. 2. c. 2. §. 7. Stypm. d. c. 11. §. 78. Arg. §. 17. l. de R. D. l. 51. §. 1. D. de acquir. rer. dom. Non obit. l. 20. §. 1. D. de captiv. & postlim. revers. 9. Ut & aliquando poena pecuniaria sive multa eorum, qui non impetrata venia à societate abeunt. Stypmann. d. cap. 11. §. 74.

Causa for-
malis Ad-
miralitatis
publica.

XX. Ratione causæ formalis Admiralitatis publica, utpote societas quædam publica, accensetur collegiis & corporibus sive Universitatibus legitimis. l. 1. pr. D. quod cuiusque univ. nom. neg. gest. l. 3. §. 4. D. de bon. poss. l. 22. D. de Fidej. & mand. Aquibus in eo differt, quod navalis est, & bellica, ex variis officiis & ministeriis maritimis coordinata. vid. l. 46. D. ad Scrum Trebell. l. un. C. de Class. Strauch. de Imper. maris cap. 5. §. 3. fin. Add. Hamburg. Admiralschafft. Ordnung §. 12. ubi egregie disponitur: Es solle auch einer jeden Flotta durch die Deputirte ein gewisser Admiral für gesetzt werden/da aber zu einem mahl eine gar grosse Flotta absieglen wolte/

wolte/ soll zwar eine jede Compagnia / so auff einen
 Driß mit einander zu sieglen hat / ihren Admiral und
 ViceAdmiral haben/ nichts desto weniger aber soll ih-
 nen noch ein OberAdmiral durch die Deputirte wer-
 den zugeordnet.

XXI. Privata Admiralitas à societate pacata, quam
 vulgo **Maschopenen** vocant, ratione formæ differt in ^{Privata.}
 eo, quod societas pacata sive negotiatoria contrahatur
 consensu interposito de rebus ex utraq; parte commu-
 nicandis, lucri in commune faciendi gratia. Excell. D.
 Lauterb. *Tractat. Synopt. Dig. tit. pro soc. th. 6.* In socie-
 tate autem bellica, utilitas hæc communis sit ipsa de-
 fensio. Grot. *de Jure Bell. & Pac. lib. 2. c. 12. §. 25.* Loccen.
de Jure marit. lib. 2. c. 2. §. ult. cujus commodum eatenus
 pro lucro haberi potest, quatenus emolumenti species
 est damnum evitasse. *l. in pupillo. 47. §. 1. D. de solut. Non*
obst. l. si sponsus §. §. concessa. 8. D. de donat. int. vir. & ux.
sicut vicissim emolumento caruisse, damnum est. l. 2. §.
damnum II. D. ne quid in loc. publ. Non obst. l. Proculus 26.
D. de damn. infect.

XXII. Ut autem ad communem defensionem ii, ^{Eius requi-}
 qui simul navigaturi sunt, obligentur, requiritur, i. ^{sta.}
 Consensum interpositum esse de conjungendis ob mu-
 tuam tutelam navibus. *t. t. I. de Obl. ex consens. l. 2. D. de*
Obl. & Act. idque vel expressè: verbis scil. inter præsen-
 tes, & literis aut nuntio inter absentes: vel tacitè re ipsa
 & factis. *l. 4. pr. D. pro soc.* dummodo facta talia sint,
 quæ citra jus Admiralitatis fieri uon solent, vel de ani-
 mo talem societatem coeundi aliunde constet. Dn. D.
 Lauterb. *tit. Dig. pro soc. th. 3.* Add. Statut. Hamburg.
part. 2. tit. 14. art. 42. ibi: Wann eine Admiralschafft
 gemacht

gemacht ist/ oder es sich begeben / daß einem ein Frey-
beuter an bordt käme.

2. XXIII. 2. Ad hoc autem ut damna, quæ eveni-
unt, æqualiter inter socios contribui possint, moris est,
naves à Commissario cum bonis antequam abeunt, ta-
xari: Sypmann. *de Jure marit. part. 4. cap. II. §. 54.* atque
ex navibus & mercibus unam summam confici, ut à
Dominis pro parte quam singuli in ea summa habent,
detrimenta ferantur. Edict. Ordin. Holland. *tom. I. p. 323.*
Constit. & Privil. Amsterod. *Ordin. de Admiral. p. 450.*
Grot. *de Jure Bell. & Pac. lib. 2. cap. 12. §. 25.* Loccen. *de J.*
marit. lib. 2. c. 2. §. ult.

3. XXIV. Præter hæc Hamburgi specialiter consti-
tutum, ut Magistri navium, quam primum vecturam
fufcipiunt, coram Dominis Deputatis designationem
exhibeant, ex qua de magnitudine & apparatu navium
constare possit: quin & ipsi Domini Deputati vel per se,
vel per alios ex civibus inspicere naves tenentur & ex-
plorare, an benè instructæ sint, an ad prælium habiles,
an nihil sit, quo usus tormentorum impediatur. Quod
in Ordin. Admiralit. §. 8. expresse his verbis disponitur:
Ist beliebet/ daß nicht allein die Schiffer/ so bald sie die
Fracht annehmen / den Deputirten eine gewisse desi-
gnation, wie groß ihr Schiff / und wie es gemundret/
übergeben/ sondern auch alle Schiffe durch die Depu-
tirte Herren oder Bürger visitirt werden sollen/ ob auch
tüchtige Stücke auff den Schiffen vorhanden / ob sie
mit gebührlichem Kraut und Loth versehen / ob und
wie man sie im fechten gebrauchen könne: da dann son-
derlich in acht zu nehmen/ daß auff dem überlauff / da
das Geschütz stehet / keine Wahren oder Bosmanns
Führung / dadurch der Gebrauch des Geschüzes
möchte

möchte gehindert werden / gesetzt werde.

XXV. Sicut & alibi quod ad modum exercendæ communis defensionis attinet, certis articulis exprimi solet; Quomodo ordines inter navigandum à Prætorioria & proprætorioria navi reliquaque classe sint observandi, qua ratione peculiari vexilli erectione, aut velorum adductione, aut tormenti explosione, aut nocturno insigni plurium luminum, quando imminet hostis, vel ignota classis, vel tempestas oritur aut nebula, signum ad præcavendum periculum dari debeat: & quæ alia huc spectant. vid. Stypmann. *de Jure marit. d. cap. II. § 79.* Loccen. *de Jure mar. d. c. 2. §. 6.* Marquard. *de Jure Mercat. lib. 2. cap. II. §. 36.*

XXVI. Reliqua pactis illorum, qui contrahunt hanc societatem, informari solent. vid. Wesemb. *par. Digest. lib. 2. tit. 14. num. 9. vers. cæterum.* Bachov. *ad Treutlerum vol. 1. disp. 6. thes. 10. lit. A. & seqq.* Quæ plerumque Instrumentis publicis (Admiralschaff-brieffe dicuntur) solent comprehendi. *Hamburger Admiralschaff-Ordnung §. II. ibi: sollen zum wenigsten sechs Schiffe zusammen setzen / und sich vermitelst und nach Inhalt dero auffgerichteten Admiralschaff-brieffe / und bey Vermeidung der darinnen benannten Von bey einander zu bleiben allerdings schuldig und verbunden seyn: & §. 16. Wo einiger Schiffer wider diese Ordonanz und den deswegen absonderlich gefertigten Admirals-brieffhandlen würde / r.*

XXVII. *Causa impulsiva* Admiralitatis publicæ *Causa impulsiva* juxta privatæque constituendæ, eadem est: nimirum tristissimi casus, qui navigantibus imminet, præsertim à piratis: Quis enim navigavit, qui se non aut mortis aut servitutis periculo committeret, cum aut hyeme,

aut referto prædonum mari navigaretur? Senec. *Epiſt.* 87. Gryphiand. *de Inſul.* c. 31. §. 140. Loccen. *de Jur. marit.* lib. 2. c. 1. §. 2. Unde non immeritò neceſſaria viſa eſt Admiralitas eo tempore, quo Dynkerkani & alii pirata paſſim Oceanum & mediterranea maria infecta tenebant. Stypman. *de Jure marit.* d. c. 11. §. 49. Quem admodum etiam Turcis & aliis prædonibus cum maximo mercatorum damno graſſantibus, Hamburgeniſis Admiralitas lege perpetua conſtituta eſt. Nach dem leider die tägliche Erfahrung bezeuget, daß nicht allein durch Türkiſche, ſondern auch andere ſtreiffende Seeräuber allgemeinen commerciis und Traffiquen groſſer und mercklicher Eintrag und Schaden geſchiehet, und demnach wohl von nöthen, daß in dieſer guten Stadt eine beſtändige Admiralschafft angeordnet werde / als hat ein E. Raht auff dienſtlich Suppliciren etlich vieler Bürger und Eingefessenen / ſo ſich der Handlung Seewarts gebrauchten / folgende Ordnung verfaſſen und publiciren laſſen. Hamburg. Admiralschafft, Ordnung *procur.*

Causa finalis.

XXVIII. Causa finalis Admiralitatis conſtituenda eſt, ut ſe plures naves ſociatæ, eo facilius adverſus vim ingruentem tueri poſſint: Loccen. *de Jure marit.* lib. 2. c. 2. §. 2. & non tantum in præſens tempus ſecurè navigetur, ſed etiam in futurum mare prædonibus purgetur; quo mediante & ſecuritas commerciorum, & privata ſimul navigantium publica que utilitas procuratur. Gryphiand. *de Inſul.* d. c. 31. §. 139. Marquard. *de Jure Mercat.* lib. 1. c. 15. Interdum & immediatè uſus Admiralitatis, licet privata ſit, ad utilitatem Reipublicæ dirigitur, quando hoc propoſito privati ſocietatem navalem inſtituunt, ut hoſtes Reipublicæ perſequantur. vid.

Martin.

Martin. Schoock. *Imp. marit. cap. 23.* vel quando extranei naves à Collegio Admiralitatis conducunt, & sibi adjungunt ad fumandas vires suas, ac defensionem adversus hostem tertium. Loccen. *de Jure marit. lib. 2. cap. 2. §. 3.* Add. Hannibal *Seeståts Vortrag das Naval defensions-Werck in Norwegen betreffend.* apud Marquard. *de Jure Mercator. document. lit. W. 2.*

XXIX. Circa Effectus Admiralitatis publicæ controvertitur: An Admiralitas constituta ad prædatorum & piratarum persecutionem in eo loco in quo exercetur, jurisdictionem vel superioritatem importet? de quo disceptatum est in Camera inter Oldenburg & Bremen: Comite rectè negante, piratarum persecutionem jurisdictionis signum esse posse: cum ea aliis etiam competat, qui jurisdictionem non habent. Mindan. *de Process. lib. 2. cap. 36. §. 6.* Et licet equidem tam protectio maris, quàm piratarum persecutio ei competat, qui jurisdictionem habet: & ad Imperium pertineat, curare ut malis hominibus mare purgetur. Strauch. *de Imp. mar. cap. 9. §. 1.* hoc tamen non est reciprocum, ut qui mare aut flumen protegit, aut piratas persequitur, statim in eo loco jurisdictionem aut Imperium habeat: quod non tribuit protectio. Gail. *Obs. Pract. lib. 2. obs. 34. n. 1.* Mager. *de Advocat. armat. cap. 10. §. 386. & seqq.* Loccen. *de Jure marit. lib. 1. c. 4. §. 5.*

XXX. Idem de vectigalibus quoque eo nomine exigendis sentiendum est, quæ in eo loco quidem, in quo vi jurisdictionis protectio maris & piratarum persecutio exercetur, licitè & summo jure exiguntur. Hamburg. *Admiralschafft. Ordnung §. 6.* Grot. *de J. B. & P. lib. 2. cap. 2. §. 14. & lib. 2. cap. 3. §. 14.* Excell. D. Zieglerus

ad *Grot. d. lib. 2. c. 2. §. 14.* Sed non tamen vi solius protectionis & persecutionis exigi possunt. *Mindan. d. l. 2. c. 36. §. 6. Loccen. d. loc.*

XXXI. Quod si recipiat vestigial nomine securitatis per Admiralitatem præstandæ, is ad quem ejus loci jurisdictionis pertinet, tenebitur non tantum ad præstandam securitatem iis, qui per territorium suum navigant, ne ullam concussionem vel damna sustineant. *l. un. C. de littor. & itin. custod.* Sed si deprædatione piratarum transeuntibus damnum datum sit, tenebuntur ex neglectu Reges ac Magistratus, qui ad inhibenda latrocinia & piraticam non adhibent tam sufficientia remedia quam possunt ac debent. *Grot. de jure bell. & pac. lib. 2. cap. 17. §. 20. Strauch. de Imp. mar. cap. 6. §. 7.* Præsertim si navigantes deposuerint, in quam Provinciam ituri sint, atque ad eod sub salvo conductu alterius navigent. *d. l. un. C. de littor. & itin. custod.* Quemadmodum in terrestri quoque itinere deprædatis Dominus territorii damna resarcire tenetur. *Mynsing. Obs. Pract. centur. 5. obs. 70. Rosenthal. de feud. cap. 5. concl. 22.* Inprimis si sub fide publica & salvo conductu proficiscantur: prout Constitutum Rec. Imp. de Anno 1556. §. Damit dann die Obrigkeit. 34. his verbis: *Sehen/ ordnen und wollen/ wofern von Churfürsten/ Fürsten und Ständen/ oder einiger Obrigkeit / die sey wer sie wolte/ jemand das Geleit gegeben/ und derjenige darüber auffderselbigen Churfürsten / Fürsten/ Stände oder Obrigkeit Geleit strassen thätlich ergriffen und beschädiget/ daß der Stand / so solch Geleit gegeben/ nachgestalt solches Geleits dem Beschädigten seines Schadens erstattung zu thun schuldig seyn soll.* Secundum quæ conclusum & judicatum fuit in Camera Imperiali

Imperiali in causa quadam contra Episcopum Herbi-
polensem. Gail. *Observ. Pract. l. 2. observ. 64. §. 1. Add.*
Bernh. Graven. 2. *pract. concl. 64.*

XXXII. Si privati inter se Admiralitatem contra-
xerint, illi sibi invicem obligantur 1. ad servandam so-
cietatem: Statut. Hamburg. p. 2. tit. 14. art. 41. *Hamb.*
Admiralschafft-Ordnung. §. II. Jus marit. Hanseat. tit.
7. art. un. 2. Ad defensionem & tutelam mutuam, si
periculum imminet. Wann eine Admiralschafft ge-
macht ist / so ist das Volek schuldig sich zu wehren.
Statut. Hamburg. p. 2. tit. 14. art. 42. 3. Ad refarcien-
dum pro sua portione damnum, citra cujusquam cul-
pam ab hoste casuque illatum. Statut. Hamburg. d. p. 2.
tit. 14. art. 42. Loccen. *de Jure marit. lib. 2. cap. 2. §. 5. Cu-*
rick. ad Jus marit. Hanseat. tit. 7. art. un. idque non tan-
tum ratione mercium aliarumq; rerum deperditarum,
quæ in navi sunt, sed etiam ratione hominum vulnera-
torum. Statut. Hamburg. d. art. 42. Loccen. *de Jure*
marit. lib. 2. tit. 2. §. ult. Non quidem ut cicatricum
aut deformitatis æstimatio fiat, sed ut computentur
mercedes Medicis præstitæ, cæteraque impendia, quæ
in curatione facta sunt; præterea operarum, quibus car-
ruit aut cariturus est ob id, quod inutilis factus est. l. 7.
D. de his qui effud. vel ejec. & quidem ita, ut omne da-
mnum per hostes aut piratas uni vel alteri navium illa-
tum, videlicet pulveris nitrati, & cæterorum munimi-
num bellicorum jactura, hominumque in conflictu
vulneratorum, mutilatorum aut occisorum cura, cum-
que plena mercede & vectura sumptibusque sepulturæ
reparatio qualibet navium merciumque fiat à cæteris
navibus fociiisque concomitantibus, magnæ seu gros-
sæ Avariæ instar. Marquard. *de Jur. Mercator. lib. 2. cap. II.*
§. 37.

§. 37. Non obft. l. 2. §. 2. D. ad L. Rhod. de jact. vid. Loccen. de Jure marit. lib. 2. c. 3. §. 11. 4. Ad prædam communicandam & proportione Geometrica dividendam. Stypmann. d. c. 11. §. 77. & 78.

*Actiones
ex Admi-
ralit. de-
scendentes.*

XXXIII. Competit autem eo nomine 1. Communiter actio pro socio. Stypm. de Jure marit. p. 4. c. 11. §. 85.
2. Actio civilis pœnalis in factum. arg. l. 1. pr. D. de præscript. verb. §. ult. l. de Leg. Aquil. qua Societas multam eorum qui à societate abeunt, sibi applicari petit. Stypmann. de Jure marit. d. cap. 11. §. 74. 3. Remedium detentionis, Hamburger Admiralschafft Ordnung §. 16. Wo einiger Schiffer wider diese Ordnung handeln würde/ soll dessen Schiff und Fracht dafür haften/ biß er die verwirkte Straffen der gebühr entrichtet und bezahlet hat. 4. Accusatio criminalis ad pœnam extraordinariam, eamque vel pecuniariam in usum pauperum erogandam, aut silco applicandam. Stypmann. d. cap. 11. §. 4. vel corporalem. ex. gr. Batavi constituerunt, si quis contra prohibitionem sine conducente nave in Norvvegiam, vel mare Balthicum naviget, illum pœne nomine dare debere de navi 200. florenos, aut ex mari Balthico venientem, 400. florenos, in Norvvegiam centum libras, ex Hollandia ducentas libras. Stypmann. de Jur. marit. d. c. 11. §. 69. Hamburgi verò & in Civitatibus Hansæaticis reliquis obtinet: ut si quis Admiralitatem deseruisset, omne damnum quod inde Admiralitati contigit, à desertore præstari debeat, si non habeat in ære, extra ordinem arbitrariè puniatur. Wer die Admiralschafft bricht/ und darüber jemand genommen würde: so soll der Schiffer/ so die Admiralschafft gebrochen hat/ schuldig seyn/ den Schaden von dem Schifigen zu bezahlen/ hat er das an Gelde nicht/ so soll er nach

nach Ermäßigung willkürlich gestraffet werden. Statut. Hamburg. p. 2. tit. 14. art. 42. Jus Hanseat. tit. 7. art. un. Loccen. de Jure marit. lib. 2. cap. 2. §. 5. Add. l. 1. §. 3. D. de pœn.

XXXIV. 4. Imploratio officii Judicis pro cognitione extraordinaria, interdum quoque locum habet ad præmium petendum, si quis in proelio se fortiter gesserit: Da jemand in der Flotta im Fechten für andern sich tapffer gehalten/ soll derselbe von der Admiralität eine Verehrung bekommen: Cujus remunerationis peritio heredibus quoque competit. Hamburg. Admiralschafft. Ordnung §. 15. de qua re Belgæ specialiter definiverunt: si hosti navis adimatur, ejus pretium debere cedere occupantibus, & præterea eos capere debere bimestre stipendium de tot personis, quot in navi captæ fuerint. Stypmann. de Jure marit. p. 4. c. 11. §. 78. & amplius: Si in conflictu cum hoste navis perit, damnum bis restitui debere: si autem quis hostis navim in aquis submerferit, suâ nave salvâ, eum debere habere pretium suæ navis & bonorum: ejusque dimidium debere in commodum navis & mercium cedere, de reliquis quartis unam, nautam & gubernatorem, alteram nautas habere debere. Stypm. d. c. 11. §. 76. & 77.

XXXV. Interdum verò consorti Admiralitatis, a-
Exceptio.
 ctione pro socio damnum sibi refarcire petenti opponitur exceptio doli mali, arg. l. 2. §. 5. D. de dol. mal. & met. except. Si quis de societate abierit, & deserta societate navigans damnum acceperit: is enim omne damnum, quod ab hoste ei infertur, sive captivus abducatur, sive aliud quodcunque detrimentum sentiat, solus debet portare, nec tenentur exercitores in ejus redemptionem aut restitutionem minimum contribuere. Stypmann.
 D de Jur.

de Jure marit. p. 4. c. 11. §. 71. Videtur enim is sua culpa
damnum hoc sentire, & facto proprio detrimen-
tum incurrere, ob quod ei ab innocentibus quicumque refar-
ciri æquum non est. *arg. l. 203. D. de R. I. l. 52. §. 18. D. pro
joc. Marquard. de Jure Merc. lib. 2. c. 11. §. 37.*

*Forum
competens.*

XXXVI. Habent autem causæ enumeratæ forum
peculiare, quod illis competens est: nimirum Collegi-
um Admiralitatis in quoque Regno vel Civitate mari-
tima ad hoc constitutum, ut res ad justitiam & discipli-
nam navalem spectantes tractet. *Loccen. de Jur. marit.
lib. 2. c. 2. §. 4.* Quale Collegium Admiralitatis Ham-
burgi quoque causas navales discepat. *Hamburg. Ad-
miralschafft. Ordnung §. 17. & 18.* Constat illud ex quin-
que Senatoribus & octo Civibus, ut & Secretario: *Ad-
miralschafft. Ordnung §. 2. add. Subscript. in fin. adject.*
qui statis diebus horisque in Curia sub multa conveni-
re tenentur, & si quid constituunt, illud tanquam à Se-
natu & civibus omnibus constitutum esset, ratum ha-
beretur. *Admiralschafft. Ordnung §. 17. per tot.* Quod si
delictum aliquod navale plectendum sit, executio erit
apud Collegium Admiralitatis in loco ubi multandi
adveniunt. *t. t. C. ubi de crim. ag. oport.* *Stypmann. dict.
cap. 11. §. 73.*

*Forma
processus.*

XXXVII. Quoniam verò causæ navales & mariti-
mæ ita comparatæ sunt, ut plerumque locus & tempus
ventorumque & maris opportunitas non patiat mor-
ram aut cunctationem diuturniorem, *l. 1. pr. D. de exerc.
act.* ideo processu summario atque de plano levatoque
velo hæc controversiæ expediendæ sunt. *l. 5. C. de Naufrag.*
Peck & Vinn. ad d. l. Unde & tribunali Admiralitatis
Hollandiæ duplici litigantibus partibus non est permif-
sa. *Loccen. de Jure marit. lib. 3. c. 11. §. 2.* *Marquard. de J.
Mercat.*

Mercator. lib. 3. cap. 7. §. 6. Add. der Stadt Lübeck Ordnung des Summarischen See Gerichts Proceß. de Anno 1655. apud Marquard. docum. commerc. lit. X. 3. p. 704.

XXXVIII. *Contraria societati huic est ejus diffolutio. Diffoluitur autem Admiralitas ferè iisdem modis, quibus reliquæ societates. Nam cum Admiralitas quoque uti societas pacata, vel in perpetuum ineatur, vel ad tempus. l. 1. pr. D. pro soc. Non obstat. l. 70. D. eod. Ea quæ ad certum tempus vel certæ navigationis causa contracta est, ipso illo tempore elapso & navigatione finitâ perimitur. l. actione 65. §. item qui 6. D. pro soc. §. 6. I. de soc. Ut adeò licet ab Admiralitate recedant, qui se illi tantum usque ad certum itineris spatium adjunxerunt. v. g. bis sie die Höhe errechet: quiq; exinde diversum ab Admiralitate cursum instituturi sunt. Hamburg. Admiralschafft. Ordn. §. 11. & 12.*

Contraria Admiral.

XXXIX. Præterea ratione personarum quoq; solvitur Admiralitas. 1. Morte unius ex sociis Admiralitatis, quoad eum scilicet qui mortuus est, & quoad hæredes ejus, non verò quoad alios socios Admiralitatis, l. 59. D. pro soc. l. verum est. 63. §. inhered. 3. D. eod. Non obstat. l. 65. §. 9. D. eod. §. 5. I. de Societ.

XL. Per mortem intelligitur non tantum mors naturalis, sed etiam mors civilis. l. 4. §. 1. l. 63. §. ult. D. pro soc. Qualem tamen non videntur pati, qui à piratis capiuntur. l. 19. §. 2. D. de capt. & postl. revers. l. 24. l. 27. D. eod. Loccen. de Jur. marit. lib. 2. cap. 3. §. 3. Add. Grot. de Jure Bell. & Pac. lib. 3. cap. 9. §. 16.

XLI. 2. Ratione personarum solvitur Admiralitas renunciatione: si is, qui renunciare vult, justam causam renunciandi habeat. l. 65. §. 6. *ibi: nisi renuntiatio ex necessi-*

ex necessitate quadam facta sit. Add. Hamburg. Admiral-
 schaffe Ordnung. §. 11. *ibi*: Es wäre dann / daß ein
 Schiffer so gar eysfertig wäre / und der übrigen Schiffe
 nicht erwarten könnte. Et §. 13. Es sey dann / daß einem
 ausserhalb Landes eine Fracht auff einen andern Platz
 fürkame.

XLII. Tandem ratione rerum finitur Admiralitas, si
 classis vel naufragio absorbeatur, vel vi hostili opprimatur, dis-
 solvaturque. arg. l. 63. §. ult. D. pro soc. quod non tantum de pri-
 vata sed etiam de publica Admiralitate intelligi debet. vid. Grot.
 de Iure B. & P. lib. 2. c. 9. §. 1. & seqq.

Affinia.

XLIII. Similis est Admiralitati, de qua haec tenus tracta-
 vimus 1. Coitio armata terrestris adversus prædones instituta:
 qua in primis illi uti solent, qui per loca deserta, adeoque latro-
 num insidiis opportuna iter faciunt: quam Societatem Cara-
 vane communiter vocant Turcicorum & Persicorum Itinerariorum
 Scriptores. 2. Cohortes militum ad conducendos mercatores
 & reliquos peregrinantes dispositorum, quos vulgo Aufre-
 uer / Stallbrüder / Einspänniger nominant. Marquard.
 de Iure Mercator. lib. 1. c. 13. §. 37. Aliquando das lebendige Ges-
 leit dicuntur. Gail. obs. Pract. lib. 2. obs. 64. §. 1. Wehner. Thesaur.
 Pract. voce Glaid. Societas quaelibet pacata sive terrestris sive
 navalis sit. Loccen. de Iure marit. lib. 2. cap. 2. §. 1. & lib. 3. cap. 6.
 Stypmann. de Iure marit. part. 4. c. 11. §. 1. 4. Communio quo-
 rumlibet qui unâ navigant, & rerum nomine quas in navi ha-
 bent, Lege Rhod. ob jactum levandæ navis causâ factum ad re-
 sarcendum communi contributione damnum obligantur.

l. 1. D. ad L. Rhod. de jact. Statuta Hamburgensia p. 2. tit. 16.

Loccen. de Iure marit. lib. 2. c. 7. Marquard. de J. Merc.


lib. 2. cap. 11. §. 37. *ibi*: Magne seu grosse Avarie
 instar. & lib. 3. c. 4. §. 19.

F I N I S.

Strassberg, Diss., 1674-75

X2617022

VD 17





14 DISPUTATIO INAUGURALIS
DE

1674, 14.

ADMIRALITATE

Q V A M

DIVINI NUMINIS ADSPIRANTE
GRATIA

EX DECRETO ET AUTHORITY
MAGNIFICI, AMPLISSIMI
ATQVE CONSULTISSIMI JURISCON-
SULTORUM ORDINIS IN INCLYTA AR-
GENTORATENSIVM UNIVERSITATE

Pro

*Summis in Utroque Iure Hono-
ribus ac Privilegiis DOCTORALIBUS*
rite consequendis,

Solenni Eruditorum Examini submittit

Die 17 Februar. hor. l. g. consuetis.

FRANCISCUS VASMER,
HAMBURGENSIS.

ARGENTORATI,
Literis JOH. FRIDERICI SPOOR.
Anno M DC LXXIV.

